





聖宋名賢五百家播芳大全文粹卷百二十七

生辰賦頌

上文太師壽山賦

副墨之子游於搖蕩之塗適夫輶輶之寓崇山巍巍  
平原煦煦仰觀形勢之嵯峨俯矚品彙之繁蕪怵心  
駭神悸莫能殫所以適遇諸先生而問之曰此何境  
也試為我言其崖略先生曰唯唯予獨不聞有所謂  
壽山者乎夫壽山之境也從龍嶸嶸嶺嶺嶺嶺嶺嶺



軒轅之上壤下臨汪氏之龍魚周回廣袤曾不知其  
幾千里徒見夫南極起軫六度有星揚輝而燦燦者  
正照乎其墟現琦崑閭魏躡蓬壺丹邱嶠崿以連鎮  
天封屹嶮而扶輿上平行而廣莫下峭崿而崎嶇瑤  
花燭爆潰其隈丹谿滂瀉其隅蕩邪之泉必湧而  
甍滴青岑之封涓涓而漱珠其植物則圓邱之奇木  
鍾山之靈芝木椿擢幹而尊尊蟠桃結實而离离朱  
桂析莖而黝蘆丹萐布葉而芳菲薈根莖之萬種常

聳榦而葳蕤其動物則有游蓮之龜棲松之鶴靈鳥  
提提而三尺瑞麟彬彬而一角琴高赤鯉漾波而潑  
潑女仙白鹿走曠而濯濯奇毛異羽之繽紛充牣林  
巒之繇邈其藥物則有杞熾之砂郁毓之蜜石芝之  
流英玉膏之瀝液昌永練色之蓬蘽安期固形之五  
石集詭類之環竒想神農之未識其間則有銀臺金  
闕石室雲宮文字業業而切漢飛閣輾輾而凌空視  
倒影之欽列浮蟻蠓之蒙籠游其門者蹤希乎二老



憇其館者齒邁乎五龍喬松之儔雍容於其廡千歲  
之孫孩嬉於其中吾子果亦有意窺其藩籬而一觀  
乎於是相與排玉戶矚金鋪開珠閣對綺疏偶列真  
之畢集獲凝睇以躊躇莫不策靈壽之杖據不死之  
牀履阜鄉之鳥居白蜺之堂或眉連而長睛或目方  
而久視或煉形而有常或變色而無止或掌摩乎銅  
人或云生堯之丙子穆灑羽衣闐然填委名氏安能  
以周知僅識數人而已廼揖副墨子遙指而告曰彼

慙然被髮而立於獨者老聃也彼嵩然戴勝而濟萬  
世者西王母也彼千二百歲而形不衰者廣成子也  
彼上及有虞下及五伯者彭祖也彼色若孺子者女  
媧也彼形若處子者藐姑也射之神人也中有一人  
焉德宇睟穆道貌軒昂氣玉溫而郁郁骨山峙而堂  
堂服袞冕曳綉裳執桓圭佩玉章溢朱顏而不老揖  
仙容而徜徉者吾子亦曾識之乎副墨子竦然而觀  
粲然而笑曰此非吾皇祐太師相公歟何其出類拔



萃也敢問太師遨遊於此而不厭者豈無得而然哉  
先生曰亦知其故歟副墨子曰我其意者水虎火龍  
交結乎廣廷之宮七還九返而葆其真乎奔日餘圓  
光輝五色嚙齧日久而光其神乎名標天臺人天環  
仰遊於紗籠之邃逾久而逾新乎先生曰此亦何足  
為太師道夫太師之德業大矣美矣孰窮其源高矣  
遠矣孰議其將如山之峻如地之方如海之量如雲  
之章乘半千之運依日月之光作傳說之霖雨全姪

公之斧斨運機衡於掌握制四海於一堂贊皇明於  
旁燭增光烈以焜煌放黜鬼瑣登崇俊良禮樂著法  
度彰刑罰措紀綱張仁漸義摩春雨秋霜學校如林  
絃誦洋洋拯哀矜於無告滲漏澤於渺茫視一夫之  
失所如已納之於隍蠻夷畏威而懷德四海奠枕而  
皇皇英華浮沉洋溢八荒鞏邦基於磐石之固延皇  
祚於箕翼之長宜神靈之扶擁歷千載之彌康永安  
寔於祉福與國祚而無疆所以遊茲山而放曠亘古



今而有常者矣厥有儒林丈人適聞其語輒然而笑  
然則然矣豈究其所以然哉顧顧然驚賓賓然請願  
聞至論以祛不敏丈人不答俄而歌曰壽山高兮靄  
白雲壽山深兮瑣青青春中有人兮契天真探希夷  
兮復崑崙超九有兮揭乾坤幹造化兮如轉輪月在  
天兮照無垠閱萬世兮湛然存於是三人意徹心通  
眼如發蒙白而今後乃知太師經邦之勲業執國之  
公忠膺濟川之大任致纘紹之隆功有如宸章之所

褒別而旌寵者特一戲之從容而胸中落落洒然無  
累本恬淡而真空相與再拜而趨出誓時瞻詠於無  
窮

上蘇國博生日頌

申甫之生有神降嵩昴宿誕祥佑漢以隆山川星緯  
是生俊雄為國梁楹克成厥功豈伊當年與天無窮  
東閩之秀擅于壺公水遶其躔瑞氣鬱葱挺生哲人  
斗杓欲東和氣先春日星顯融哲人維何鼎角方瞳



妙齡媚學六藝旁通摛為錦綉萬丈晴虹曳裾載長  
自芹徂雍屢以文鳴聲滿寰中 帝曰膠庠詎容闡  
茸擢公作師為萬儒宗崇寧改學四海為宮 帝曰  
淮壖疇撫其封藉公鎮臨啓昏揭蒙棣萼相輝親顏  
尚紅跨浙東西川媚山彤州一十四秀竒所鍾自公  
鼎來字順文公曰士曰商曰工曰農亦被公澤不謀  
歡同慶誕之辰和氣塞充有祥者煙有清者風億萬  
羽翎飄然碧空沉篆飛裊瑞藹溟濛士詠民謠厥聲

載鴻祝公之壽則椿則松期公之位則槐則桐望公  
之名則夔則龍爰自中華澤被羗戎小儒作頌以卑  
伶工

詩五言長篇

賀 皇太子生辰

楊萬里

寒外乾坤淨霜前殿閣新如何震一索頓有月重輪  
甲觀堂初畫青宮榜更銀三天同日曉一氣八荒春  
東序繙周學南陽摘漢親承桃英類祖問寢孝通神



帝子臨京邑  
藩寮着野人  
天將重九節  
瑞應誕彌辰  
萸菊雙為壽  
山河總效珍  
前星環紫極  
長照漆園椿

上富樞密生辰

盈數知良月初  
絃耿素蟾慶門傳  
鶴質佳夢協熊占  
樞府高等策琳宮  
養粹恬賓筵飛玉笋  
書架秩牙籤  
盛德三朝老元勳  
四海瞻佇公歸袞  
繡赤烏尚蒼髯

上范左丞生辰

皇統開堯歷  
千齡景運符  
應期須聖耦  
命世得真儒

器量江河濶  
精神岱華孤  
風雲親際遇  
廊廟動都俞  
俊乂來英選  
乾坤入化樞  
賡歌歸稷卨  
善政致唐虞  
叶氣連天宇  
驩聲浹海隅  
設施惟土苴  
品物自華胥  
下客慙踈鈍  
趨風舊指呼  
塵埃嗟末路  
欵段笑窮途  
未試饑鷹搏  
誰怜守兔株  
大鈞糠粃物  
早晚覲亨衢

賀陳右司生辰

韓子蒼

悠悠大塊間  
萬類紛相敵  
偉哉拔俗人  
真宰豈無力  
六經陷邪說  
諸儒共一律  
天未喪斯文  
公生抱絕識



著書羅古今射策開骨髓前輩幾欲盡後來味所適  
天將激頽波公生秉孤直數諫難居中三已無愠色  
海宇屬無屬虞天工或曠職天實祐皇帝公生蘊竒  
德培壘棟梁姿一旦壯王國禁網雖小寬疲俗未全  
逸天惟念我民公生富才術發揚雲雨勢諸方待膏  
澤天既責公深眉壽夫何惜行看佩相印不羨登仙  
籍南山雅望重北斗威聲赫稟生固難朽吐納自不  
息惟昔軒冕徒尤喜山林迹留侯追赤松志就亦何

益傳說為列星但已脫寰域孰知戚公貴與國長無  
極

上辛太尉

昭代羣龍用名家奕世昌儲精生輔佐挺秀誕忠良  
郁郁充閭瑞熒熒昭室祥蓮花雄址峻竹箭慶源長  
碩德宜廊廟英才合棟梁公清凌灝氣嚴肅厲秋霜  
寶運符千載威名贍八荒量陂吞玉海言派瀉銀潢  
功業彞章顯謀猷棟莠芳檢身金井潔落節翠螭驤



列郡依仁牧千英服智囊精忠裨主聖膏澤致時康  
鄧禹重興漢汾陽再造唐公心平國是戮力振朝綱  
斧鉞安南服威稜振北疆溫恭謙節著仁惠德風揚  
鸞鷲金昆盛貔貅虎旅強望風辭印綬當路悚豺狼  
雪掃除妖孽雷驅息叛亡一心仁以厚五福壽而臧  
論議留青簡勲庸紀太常鴻恩非易報盛德固難忘  
便合持樞極那容著海鄉莊椿祈不老遼鶴竚來翔  
願向中書府年年薦壽觴

上邱漕使

淮海鍾神秀逢時出偉人熊羆符吉夢弧矢記佳辰  
瑞世儀丹鳳占祥得石麟心田平若砥學海濶無津  
道任阿衡重儒傳孟氏醇雄文追灝噩雅意蘊經綸  
大策登高第英名動縉紳含香登粉署畫諾擁朱輪  
畫戟聲稱遠星輶寵數頻一時推厚德列郡仰深仁  
橐紫殊恩近官黃詔墨新風雲看際會廊廟喜同寅  
壽筭霞紋細香蓮露臉勻願賡難老頌閱歲等莊椿



上鮮于使君

惟昔高堂夢熊羆  
召吉占氣鍾西蜀  
秀時應仲秋嚴  
江漢揮犀尾風雲起筆尖  
微辭追屈宋精義到黃炎  
操履森寒柏名聲耿夜蟾  
擊強鷗鷺健治劇鷓鴣  
使者旌旄易將軍印綬添  
鴛鴦隨步武虎豹入韜鈴  
錦覆郎官被彤垂太守襜  
兩行分密炬十里上珠簾  
禮士常懸榻誅姦忽奮髯  
雨堂昏絳帳風秩亂牙籤  
銀漢星初煥金莖露已沾  
歡聲連北固壽色更東漸

麗句充文儿竒香溢玉奩  
簪紳五福具罇俎四難兼  
賤子真殊幸清標獲屢覘  
誤蒙雕朽木猥辱畫無鹽  
嘉運方熙洽英才豈滯淹  
佇公歸法從斯道慰民瞻

上鍾太守

道在軻雄出時平稷契生  
荆山分秀整金氣與高明  
磊落難藏器崢嶸易得名  
宏才須視草大手本調羹  
欲賦龍驤遠方看鳳翥橫  
海門迎五馬桂嶺換雙旌  
漸許含香侍宜為剖竹行  
悠悠真任物擾擾不關情



札有十行賜政應期月成風流前輩似文彩後來傾  
日月開黃道雲烟煥赤城還朝充柱石與世作權衡  
仙菓千年實洪濤幾度清於公一俯仰几杖表餘榮

上趙倅

世偶千齡運皇圖永紹休天方祚堯舜家自產伊周  
戟路炎風轉孤門喜氣浮九苞惟得鳳三日已窺牛  
祖牒絲瓜昶親庭結冕旒朱轡資佐理黃屋得分憂  
白賀才名遠毛原德業優維城流雅詠戲彩播民謳

暫出丞侯度行歸炳帝猷職當調玉鉉名已覆金甌  
甲第開華旦瓊筵盛薦羞寶釵分樂隊珠履萃賓游  
龜鶴齊稱壽觥船遞獻酬後天長不老仙袂拍浮邱

五言八句

上何太宰 二首

斗杓西揭柄南呂以飛灰芝室占熊夢蓬山挺梓材  
世欣金鷲見人慶玉麟來天意非難料行看位上台  
皇穹符寶運嵩嶽降真賢明月中秋後黃花九日前



潭潭新紫府疊疊舊青氈遐想雲椿慶春秋合幾年

上盧運使必得其壽為韻 四首

有玉山自輝無蠹木不疾人心渺難測天理坐可必  
我公仁者靜壽骨已峭律豈比山澤儒辛苦餌芝朮  
千載一生賢嘉會不易得自從懸矢弧稱願傾一國  
紫芝眉宇秀見者總歸德正如舜弦風一鼓解愠色  
袖有調元手辱使江之湄雅懷兼三王起問夜何其  
行當發餘蘊陶鑄臯與夔功成格上帝黃髮齒復兒

春風桃李花結實老火侯桃李初不言人迹自奔走  
恭惟大雅姿篤實謝雕鏤使之立本朝一世可仁壽

七言長篇

上富樞密

嘗聞鄭公聲迹留契丹忠義肝膽人所難生民莫識  
兵革面坐令中國如石盤英靈鍾稟固有異端拜而  
議獨膽寒在天景星地朱草無乃嘉瑞之鬱蟠鄭公  
遺範後必大飛木架學馨苑蘭朝廷搜獵不待次樞



柄足辨談笑間幸今天下已安帖夢寐聊以寄東山  
小春桃花破紅萼和氣連幕風輕翻降高孕昴掩周  
漢酒盃瀲灩香初蘭復聞五福一曰壽但願膺此比  
鶴鸞亟隨環召歸禁密發揮事業安塵寰

上司空

君不見玉皇殿上麒麟兒掣開金鎖馳如飛紫府洞  
中尋不見人間輕跳何之竒又不見越王臺上真仙  
島簇簇光靈如燄火驪龍騰上天池透出月明珠

一顆似此嘉祥世希有今朝放入賢侯手長庚應向  
夢中來還信崧神重否否欲知仁政多陰隲瑞氣融  
融靄春日廣寒宮裏舊靈根昨夜新枝抽第一

上陳龍圖

參差鴛瓦對清霜玉虬薦瑞初騰驤三山一夜應圖  
識曉來沙磧堪蹇裳瑩煌戟戶掛孤矢瑞氣氤氳結  
霞綺帝令來作金鼎和趁得寒梅雪香蕊精神照座  
如神仙滔滔揮翰傾河源杜詩韓筆繼騷雅鳳髓鸞



膠家世傳皇皇轡駱耀鄉國春逐霜蹄滿南陌禁城  
龍閣儼圖書班近天顏還咫尺泥書細扎九天飛好  
看錦衣蒙袞知亨時得路方平坦沙堤竿錯黃金羈  
年年愛日回南陸慶壽堦庭照蘭玉南極仙翁識姓  
名星宮曾見刊瓊錄

上邱郎中

琅琊萃律神仙居雲中縹緲飛雙鳧玉皇虛席求真  
儒翱翔萬里朝皇都金門待詔金公車彤墀耿耿攄

良模寵光乙覽升榮途握蘭華省歲云徂下憐民物  
來剖符寬即不猛鞭用蒲薰陶一味清和敷報政嘗  
聞帝曰餘要令仁風及海隅光華玉節後來蘇黃童  
白叟爭歡呼不須輓粟更飛芻已見年豐樂有餘玉  
宇清風化日舒寶爐煙裊慶垂弧憑誰為我倩麻姑  
滿泛金波倒玉壺願君不老八千歲何啻二十四考  
居中書

上邱漕使



全蜀自昔稱遐封師帥承流睿澤通嚴宸軫慮文軌  
同繡衣榮遣宣仁風思皇儲精動上穹炎正重開神  
降崧天姿有道和氣融許國純誠嘉且忠暫借經綸  
粉省中輜軒一動竦疲瘥詔書誕布恩龐洪窮谷瀕  
川靡不蒙取予轉輸公帑充歛匪加民用度豐樂育  
菁莪泮水宮青衿咸仰首川東欽哉美意奉淵衷多  
取平反罔圖空名利全歸幹制功良法通商來往憧  
疊組重龜問望隆誦有輿人謠有童但聞載塗祝我

公遐齡實惠俱窮

上漕使

於皇聖運齊中興地應嶽瀆天垂星儲精韞異一發  
越中和備體生竒英清淮無波萬籟肅織雲四卷澄  
冰玉薰風庭院倏經秋長庚入夢祥光燭童年氣韻  
已不羣四座愕視天麒麟蘭筋勁翮翔萬里蓬山錦  
帳皆彌綸五袴興謠溢三郡筠泰東甌漸澤潤蹇幃  
便使八州清光華併管三司峻高懷違俗星斗寒偉



度照人雲夢寬刑清財阜治尤最天語璿題永不刊  
夜觀三極三台上玉節光芒邇天仗浮坵自是地行  
仙天譴夔龍助君相仲舒簡古帝所思弱翁治行已  
深知粉澤典章混文許軌燕許大手非公誰維南不  
為承恩祝直為蒼生並蒙福致君堯德舜億千齡頌  
聲徧寫南山竹

上王太守

碧落仙家瓊樹枝傳芳何處慶雲低人間鳳歷將移

朔天上瑤光欲轉西丹穴巢空騫瑞翼渥洼波漲奮  
霜蹄堂堂風骨端如岳凜凜神姿秀入奎紫殿文章  
驚馬獨步黃金名字最先題袖將蟾窟三春桂踏盡雲  
頭萬級梯北闕一揮新出守南州五馬總驕嘶鈴齋  
玉塵清談笑宴館金花貼鼓鞞詩燄迸騰昏日月酒  
觴沉困吸虹蜺未能度嶺尋真去直欲枯潭覓劍携  
千里暫煩傾皂蓋九重終看步沙堤吏情何以為公  
頌祇賦高高與壽齊



上傅守集句

于公向日多陰德司馬君實扶持自是神明力積善  
衮衮生公侯神仙中人不易得並杜甫此夜長天降  
瑞星杜光庭賢佐乘時為國生朱元山秋水為神玉  
為骨杜甫士林皆賀振佳聲劉禹錫申伯默儲嵩岳  
氣元山玉山照人光彩異魯三山北斗以南能幾人  
秦少游風塵外物巖廊器三山公之才業天下奇三  
江照山生玉水生犀歐陽永叔公稟英靈真間出三

江氣象徃徃干雲霓永叔謝安昔為蒼生起陳元老

文彩風流今尚爾黃魯直太學名華入紫宸元老妙

年歷落青雲李太白麟臺公監舊仙郎禹錫小郡

何煩鳳翼張元老詔書擢守二千石魯直緹綺千里

照路旁禹錫朝廷清明天子聖永叔下車先使姦豪

靜三江玉麟春踏武陽花元老年豐千里無夜警永

叔金章紫綬照青春杜甫儉節清名絕世倫鄉閭已

遜已成俗永叔樽俎談笑多嘉賓永叔歌詠琅琅振



金石風生萬里華胥國三江坐令白日生春輝石敏

若長與聖朝恢壽域元老一盃相屬時初冬蘇子由

正在乾坤和氣中敏若感君生日遙稱壽蘇東坡百

歲須齊衛武公杜牧之使君高誼驅今古杜甫歲之

早兮待公雨三江九重明主正思賢孫明復吾君英

睿超光武王介甫鼇殿沉沉玉鎖闕元老壽星元在

碧霄間三江黃閣此行膺大任明復祗對吟詠祝南

山杜光庭

### 上黃倅

羣陰剝盡陽方回石麟應期天上來盡鍾粹美八風  
骨餘妍散向江頭梅梅花冷艷排風雪相映姿韻俱  
瓊瑰會將風味歸鼎鼎均調正屬經綸才令辰祝頌  
喧瑤席共把梅花壽千百願公長與此花枝歲歲相  
逢無紀極

### 七言八句

### 上太師公相并序



某頓首百拜上啓切以道欲興周嵩岳遂生於  
申伯運將啓漢昴星爰降於鄭侯眷我聖朝起  
茲人傑偶垂弧之盛旦屬偃革之昌期天祐賢  
生時為國賀恭惟 太師公相明堂一柱滄海  
六鼇儲二水之英姿稟三山之秀氣抗義不屈  
同杵臼之立孤伏節言旋邁子卿之出使大講  
一時之利爰交二國之歡返駟馭以慈寧 天  
顏有喜收太阿而密宥兵柄難搖興禮樂而牖

俗於中和設庠序而域民於禮義是宜席開國  
承家之寵膺加地進律之恩錫甲第以安居枉  
屬車之臨顧凡茲偉觀足為美談某舊出陶鎔  
遠瞻墻仞攀鱗附驥際休運之半千滌硯薰毫  
頌大功之數十仰祈椿算愧瀆鈞嚴某下情無  
任悚懼之至 某頓首百拜上

地靈人傑產忠良瑞藹龍蟠虎踞鄉天欲中興神降  
岳世將嘉靖弼生商和羹早報梅花信壽酒先飛栢



葉觴笑指山南成帶礪  
龐眉與國等綿長  
運鍾百六擾神州  
國祚當時劇贅旒  
獨藉竒材支大厦  
允資巨力障橫流  
嘯呼左袒安劉氏  
指顧南冠繫楚囚  
整頓乾坤康濟了  
千齡翊宋永同休  
揚眉吐氣快生風  
萬里歸來虜帳中  
竭節任公營大計  
解紛排難激丹衷  
只憑忠信行蠻貊  
遂使聲名等岱崧  
一德一心天所祐  
定知福壽享無窮  
交歡隣國獨推誠  
不顧流言斷必行  
直欲生靈躋壽

域聊將干舞解平城  
坐扶國祚齊箕翼  
立挽天河洗甲兵  
和議一成夷夏福  
蒼生擊壤永昇平  
談笑能令國勢彊  
一時忠義凜秋霜  
挽回駉馭還長樂  
直把鴻勳紀太常  
問寢東朝宮殿曉  
來庭北使塞垣  
長輔成孝悌  
光寰宇竹帛仍傳萬世芳  
跋扈驕矜勢糾紛  
兵威不戢定將焚  
權歸宥密消兵釁  
力掃攬搶息祲氛  
鴻劍將軍休畫策  
捧觴都護罷論勲  
四方廓廓無餘事  
咸仰伊周輔聖君



偃伯靈臺滌翳昏太平有象更何言百神禋祀承天  
貺萬里調元識帝尊復見漢儀難並舉請觀周樂足  
同論秉鈞當軸誠至體坐使先生道滿門  
騎塏蒙蒙一洗空恢崇儒館闡文風正當世祖投戈  
際遠邁元和沸鼎中坐遣車書同萬里行看冠蓋襲  
諸戎我公勲業追王佐豈比區區頌泮宮  
勤勞王室見周公報賜宜膺曲阜封兆見維秦符佐  
命祥開有魏慶酬庸申加賦井恩方洽倍衍圭腴賞

正濃一德君臣千載遇九州四海仰雲龍  
手扶日月補圓穹錫第庸旌再造功樂奏鈞天迎騎  
擁詩歌湛露宴堂豐屬車臨幸龍顏喜拔宅飛升帝  
睽隆燕雀非惟依托計華夷億萬賴軒轅

上太師公相

鷲嶺云何錫杖飛漢家社稷要扶持衮衣人共尊姬  
旦木鐸天將以仲尼億萬生靈俱再造百千壽考復  
奚疑欲枯滄海濡秋兔來寫門生獻壽詩



上蔡太師四首

五百年來間氣鍾堂堂皎月衆星中  
鈞陶四海規模大心膂三朝體貌隆  
壽杖特尊黃髮老衮衣重拜黑頭翁  
彭聃豈足為遐算直與昇平到不窮

燕雀同欣大厦成公歸何處不懽聲  
全將和氣還羣物不放纖塵點太清  
人指靈椿期壽考天將神鼎待功名  
誕辰正得三陽節已與東君助發生

君王正殿壓金黿一品師臣侍赭袍  
萬世規模神鼎固八年勲業太山高  
崇寧樞筦聯鷁翼大觀蓬山擢鳳毛  
介壽幾何詞謾費為公仙谷問蟠桃

天遣飛仙下九州擬倫慎勿漢唐求  
他年呂望應黃髮今日周公尚黑頭  
夾輔元勲歸玉粒鉉太平餘事入鈞  
慶河一派莆陽水長遶壺山衮衮流

上杜相公

宋景文

調元罷後久忘機三見東山拜詔時  
言在典謨經舜問規留廊廟許曹隨  
人間歲月增黃髮方外謳謠讀



紫芝舉酒祝公千萬壽逍遙長與赤松期

上蔡太師

南有壺山壓七閩慶門高對此山青時臨元旦前三  
日天與中階第一星華袞召歸資大政彩毫分得續  
羣經陋儒不與稱觴列聊假已辭祝壽齡

上曾相公

翼載三朝冕有蟬歸來今作地行仙且開金闕蕭何  
第未泛江湖范蠡船老境已隣周呂尚慶門方似漢

韋賢一杯不足為公壽願賦長鯨吸百川

上張樞密

崧岳重生甫及申立朝風采正青春熊羆五十年前  
夢龜鶴三千歲後身胡地寂無南牧馬桂林新有北  
歸人黃封賜酒堪為壽願頌莊周上古椿

上富樞密

寒色瞳矇曉色開五雲葱倩護三台蒼穹密起中興  
運華闕重興上相才凜凜鳳儀呈鸞鷲翩翩羽杖下



蓬萊隱然萬卷蟠  
胃臆應作前身孔孟來

上富樞密

夢鷲當年勝夢熊  
凜然申伯誕喬松  
素韜成算無遺策  
密贊沉機紀大功  
暫許身從赤松子  
會須人看黑頭公  
且將它日經綸志  
燕處包含蘊藉中

上何太宰

却數中秋已過旬  
老君親送石麒麟  
力侔二氣文詞重  
迥繼諸公德業醇  
論道他年要黃髮  
看公仍世幹

洪鈞泰山如礪河如帶  
到此猶為劍履臣

上何太宰

河嶽靈神擁瑞來  
劍川一夜起雲雷  
祥風破臘吹灰篆  
和氣先春報砌槐  
龍邸久膺心膂託  
金甌終為姓名開  
年年已與梅花約  
長借清香入壽盃

上余太宰

瑞挺真儒翊聖時  
瀉山秀氣育豐規  
慶符昌運千齡會  
前應中秋十日期  
天上光連奎昴宿  
人間身占鳳



鳳池粉榆暫領蕃宣寄榮誕衣冠祝眉壽

上邱運使四首

天遣浮邱侍玉皇要將煩暑變清涼  
郎星已瑩冰壺操使節重紛月斧光  
肯羨薰風書殿壁行看藜杖照文房  
明年慶席風光烈縹緲鈞天賜壽觴  
清淮繚繞向清河中有真仙積慶多  
西國玉枝家世襲霸陵銅狄手長摩  
功名本自歸談笑壽考何勞著詠歌  
行直紫宸清夜宿共驚蓮燭認鳴珂

堂堂英表典型存知是營邱幾世孫  
已擅文章追逸軌肯教勲業負華門  
三槐終對黃扇榻六節聊憑錦使轡  
更有人間真樂在滿階蘭玉秀而溫  
槐高日永訟庭空獨弄朱絃奏古風  
趙客無心惟守壁越人何事欲彎弓  
鑑分妍醜知無垢水燭鬚眉賴至公  
造化從茲甯待祝頑金已寄火爐中

上李侍郎二首

整頓乾坤待巨賢  
昂精間氣動星躔  
清秋屈候逾旬



日景運儲休恰半千蟾苑少年為上客鳳池指日作  
真仙椿松好借為公壽勁節英姿獨凜然  
天意追還治古風挺生賢佐振休功將令禹迹山川  
內盡在周公井牧中德業喧騰歌衆口勲庸簡著在  
宸衷仰祈戩穀將何比地久天長與國同

上吳監

五莢棠開十月天出門洗眼看星躔儲精昂宿蕭丞  
相入夢長庚李謫仙雀舌毫毛翻瑞雪龍涎獸口裊

雪斡回和氣遍華夷

羣生無路答昇平只有年年善頌聲長願遙天無點  
翳台星兩兩倍光明

下吏南州把郡符深恩猶未放江湖誕辰再拜無他  
祝願獻蓬萊清淺圖

萬古叢中見玉英天教正味合和羹枝頭春色無窮  
在乞與年年薦壽觥

上樞密八首



五雲深處老人星  
夜夜輝光照廣庭  
已慶君王三萬壽  
更符樞府數千齡

右老人星

赤松端指住瀛州  
來往塵寰不計秋  
一任桑田變滄海  
祇應長伴赤松遊

右赤松子

海上千年一度花  
結成嘉實應朝霞  
惟容曼倩三偷去  
應送山中樞相家

右蟠桃

霧鎖煙籠幾度春  
年年三秀不辭頻  
便甘採擷奉元伯  
豈獨三山四老人

右紫芝

祥煙傳聞北海樽  
中澗欲借劉伶一醉眠

七言四句

上太師十首

堯舜垂衣明日月  
臯夔論道際風雲  
須知天地生成德  
間世真儒輔聖君

南北通和自古無  
如今萬里混車書  
傳聞每遣皇華使  
外國人爭問起居

德業巖巖魯泰山  
功成天地亦清閒  
不須百丈磨崖



刻碑在農桑樂業間

西風原上卷黃雲歸作人間甕裏春拍手一樽歌既  
醉問闔俱是太平民

老農含笑指家丁偃伯靈臺始見生身手只今大如  
許耳根不識鼓鼙聲

年年周孔道何多誰為緇黃保不磨却笑紛紛韓孟  
輩空言無奈異端何

當年崧岳降生時辰事先春五日期要是窮冬正冰

擢幹蟠根伴客神八千餘歲是為春由來等數知多

少試問丹霞洞裏人

右大椿

修柯碧榦直參天冒雪凌霜晚更堅信道青青長不

朽便同公壽數千年

右長松

曳尾逍遙不計年會當千載即巢蓮從今不入元君  
夢長伴蓬萊最上仙

右靈龜

徘徊長占偃松棲朝戲芝田暮玉溪若問絲絲千歲  
壽故應端與我公齊

右鶴



上邱郎中

暑令將收月漸圓  
胸山鍾秀為生賢  
雅知上界足官  
府聊向人間作地仙

聊向人間作地仙  
少攀却桂氣飄然  
柏臺蘭省翱翔  
遍三乞州麾興自便

三乞州麾興自便  
建安風彩最喧傳  
政成又上甘泉  
計喜動龍顏席屨前

喜動龍顏席屨前  
便應緩步玉堂執  
上心猶顧南閩

重暫遣輶車下九天

暫遣輶車下九天  
歡遊竹馬競爭先  
問公重到成何  
事財阜刑清德意宣

財阜刑清德意宣  
潢池赤子盡趨田  
休聲時到岩廊  
上寵就提封領漕權

寵就提封領漕權  
榮兼衆職任尤專  
裕民足國根儒  
術應笑區區笑用鞭

應笑區區笑用鞭  
公餘引興入詩篇  
珠璣照袖微哦



罷環擁諸郎對玉船

環擁諸郎對玉船生朝樂事慶俱全紅桃碧藕堪為壽捧勸新聲更闋妍

捧勸新聲更闋妍我公歡喜浩無邊衙恩下吏將何祝一炷深深栢子煙

上袁運使 十首

炎蒸已逐大雲斂爽氣方隨玉露灑不是真賢來問世爭教煩暑變清涼

使節雲間擁星爛計臺地上見泉流光華勲業知何自成詠崧高降雨候

總計宜專借遠方高勲盟府要深藏明年今日歸清禁天語傳宣勸壽觴

白叟黃童喜色開歡呼都運誕辰來滿城牽挽問衙探祝壽明辰薦幾盃

蟾魄駸駸圓月窟長庚曄曄降星躔不知入夢緣何事解使人間見謫仙



發糴轉滄蒙厚德塋枯橫野荷深恩當知仁者從來  
壽鶴筭龜齡不足論

虎眉相對講英猷盡說當年氣食牛六十從新開甲  
子八千從此當春秋

鵬程九萬翼方展桃實三千花正開再拜願神難老  
頌仙風定合繼蓬萊

瑞靄當年浮浙水歡謠今日滿閩川不知八郡人多  
少一口須添一百年

父老偏憐最小官晚來爭借壽詩看般門盡說難揮  
斧句法丁寧子細安

上邱運使十首

瑞應昌期岳孕靈定知仙韻出蓬瀛垂弧已射澄清  
志協夢終馳啓沃聲

當年領袖見儒宮俗學紛紛一洗空多少執經懷槩  
者于今游泳化陶中

懷香更直侍楓宸奏事嘗推蹇諤臣華信省知符列



宿從茲要路是通津

五馬朝天寵眷榮復持金節按閩城邦人洗眼觀星  
使記得當時騎竹迎

不勞黼座更臨軒就易星臺擅漕權故部重歸旌節  
下新恩優渥在中天

心計泉如地上流嘉謀碩畫冠中州襟懷別有安邦  
策莫道區區國用求

累載仁恩在衆心世緣偏向此邦深一方難慰去思

志誰識敷文望作霖

九重眷倚向來深消息新傳有召音子翼謾勤河內  
借行看乘傳去駸駸

閩橋交馳拜賀章博山終夕瑞凝香皇華使節相輝  
映偏愛薰風夏日長

一官牢落困塵容幸遇洪爐造化中恩重邱山何以  
報祝公眉壽等衡崧

上傳大守七首



十載江湖已濯纓扁舟直欲了平生南來千騎從民  
意強卷絲綸作此行

火雲六月漲晴川一雨誰知刺史天聞道村村盡高  
廩逢人泥飲說豐年

曉景曛隴愛日深更將和氣逼嚴凝邦人莫說憂襦  
袴樵水冬來不復冰

紛紛桃李競韶光怪底寒松獨老蒼回首霜天搖落  
盡却須此物薦明堂

俗學何曾辨坎離晴窻聊作五禽嬉餐霞辟穀空多  
事淡泊能令日月遲

家在壺山向背中枌榆雖近苦西東一官牢落今如  
許慚愧膺門識孔融

南州十月見寒桃萬瓦霜清氣自高不用西行問玉  
母便應持此薦香醪

上太守十首

仙遊舍人聲建中正論久矣排羣雄季子專誠今有



耀皇天兩耳元非聾

鶴愛仙人年德尊大賢之後更多聞風流異日窺前  
輩論議班班總不羣

當年撫仕早標纓不共兒曹校疾行居易獨能遵坦  
路未妨七十到名鄉

十年澤國泛吳航袖有新硯試未嘗聊把一麾施老  
手便教千里作津梁

教令孚民一歲期只將平易撫澆漓朝廷若用循良

課喚取樵川老吏師

桃花綵綬儼仙衣寶帶垂金腹十圍五馬人生真可  
貴更欣桑梓共分輝

精藏烟目氣藏神笑語溫然與物春面骨如拳攬兩  
耳此公壽相等銅人

堂前三鳳戲班衣堂下三槐擢秀枝一歲倦遊歸綠  
野紫華鼎鼎看吾兒

甯武堂中白日長公庭訟息炷爐香禪牀不作娥眉



夢一枕清風到壽鄉

秋入東籬破曉霜  
黃花不肯媚重陽  
花神愛惜緣何事  
要向今朝薦壽觴

上蔡太倅八首

鐵面霜髯氣象雄  
功名自奮額邊紅  
玉關虎帳他年事  
凜凜人言有祖風

合上青雲却佐州  
才稱霹靂用非儔  
朝廷若門三年課  
看取金錢地上流

不愛官閒笑吏偷  
坐曹終日計牙籌  
抱書假寐前賢事  
况省文書夜未休

青銅妍媸不可掩  
白壁瑕玷難為容  
何並從來惟有律  
門前車馬任憧憧

吏輩難禁疾惡風  
南來囊橐拔皆窮  
食葱三斗渾閒事  
只怕生逢屈突通

難兄要路穩加鞭  
時有新詩寄阿連  
報國薦賢休遠取  
好來喚起共朝天



江山舉目感殊方未挫平生鐵石腸盡把才豪駟筆  
下滿編雄健拉風檣

好詩不為俗人裁今日吟邊袞袞來  
賸綴千篇盈篋  
筭一年一詠薦金杯

上高倅 三首

露眼元晴金作衣等閒一舉集華池  
來棲蓮葉知千  
歲引頸長江自有時  
右神龜

洞中百葉總千葩  
中有蟠桃實可誇  
虔把蟠桃來祝

壽三千纔是一番花  
右蟠桃

崧山當日已生申  
上有羲皇世大椿  
虔把大椿來祝

壽八千纔是一番春  
右大椿

上嚴州太守

嚴瀨灘聲寒漱玉  
烏龍山色翠磨穹  
願將二物為公  
壽山不頽兮水不窮

聖宋名賢五百家播芳大全文粹卷百二十七終



聖宋名賢五百家播芳大全文粹卷百二十八

樂語

集英殿乾元節大燕教坊致語 王岐公

臣聞帝乘離火德應赤符誕聖之期雲上需天啓祕  
殿示慈之會橫九門之協氣沸萬玉之懽聲普祝睿  
齡樂逢華旦伏惟 皇帝至仁天冒盛德日躋御堯  
屋以非心降禹車而泣罪儲精峻廡安行帝道之常  
收眦邃旒坐照物情之隱妙元功而不宰暢偉蹟以



無前適丁震夙之期肇戒清和之候月維幾望風自  
南薰雲覆翠華天臨煥幄拭玉來寶鄰之使充庭旅  
絕域之竒稱萬壽之無疆歌太平之既醉七百年肇  
乎卜世自符周歷之長八千歲始以為春更越莊椿  
之固臣等謬參法部獲叩宸墀不度孱才敢稱口號  
○清蹕傳音紫禁遊巡萬玉擁鈞臺南山鎮地符宸  
算北斗傾霞入宴杯鎬飲篇中魚演漾虞韶聲裏鳳  
徘徊年年赤帝乘離月長見雲龍帳殿開

勾合曲

方春介壽方稱漢殿之觴百辟均懽正協舜琴之曲  
宜賡備奏參杯太和上懌皇情教坊合曲

勾小兒隊

玉宇風微覺纖埃之不動金徒漏緩知瑞旭之初長  
堯樽纔泛於九霞禹會正趨於萬玉宜詔髡髦之侶  
來陳舞羽之容上悅天顏教坊小兒入隊

隊名



仙曲聞韶後

童裳舞勺初

問小兒

祥鳳傾梧帝所殆非於人世恩魚泳藻皇慈適浹於  
臣心何緣青珮之羣得蓮赤墀之地整鮮巾而照爛  
儼長袖以舒徐必有從來雍容敷奏

小兒致語

臣聞周雅萬年薦自天之時福堯封三祝感及物於  
君仁適臨出震之辰爰紀乘離之月敞大庭而肆宴

浹罄宇以均休伏惟 皇帝握斗披元撫辰凝治雷

霆孚號一鼓舞於羣生雲漢睿章共昭回於上象納  
民富壽措國盈成滯穗餘糧已溢農疇之望祥圖瑞  
牒弗停史筆之書今此素魄將盈赤精甫燭盛蒲魚  
之樂飲洽苹鹿之歡心陋唐節之千秋或虧誦聖盡  
禹朝之萬國咸走賓王同輸就日之成共禱後天之  
算臣等佩觿弱齒秉翟微蹤偶祇召於中宸願呈儀  
於丹祀進慙薄技仰侑皇情未敢自專伏候進止



勾雜劇

踰躑長袖適停逸綴之文曼衍都場未盡多歡之具  
宜薦滑稽之戲以資愷樂之情徐韻宮商雜劇來歟  
放小兒

舞茵徹繡暫收畫鼓之聲宴岸浮香漸轉綠槐之影  
歌沛風而甫歇詠沂水以將歸再拜天階相將好去

勾女弟子

華替拱極黼坐當陽幸天地之同符復君臣之共樂

雖喜天杯之泛來呈風袖之妍宜按籍於梨園俾薦  
懽於鎬邑速進驚鴻之態來參祥鳳之儀上奉天顏  
兩軍女弟子入隊

隊名

神樞標慶誕

仙綴侑皇醮

問女弟子

帝幄天高人寰升隔鷓鷯之羣下集魚龍之戲前陳  
何巫山行雨之蹤肆洛浦凌波之步輒離雲島直叩



天階必有剖陳雍容敷奏

女弟子致語

妾聞少皞膺符紀華渚流虹之異商王受命美皇穹  
降胤之祥偉上聖之挺生當南訛之肇序三靈擁祐  
諸福叢休對蒸雲復旦之期廣湛露晞陽之渥著為  
盛節永屬熙朝伏惟 皇帝躬攬乾綱心遊道祕迪  
一祖二宗之訓同三王四代之符偃然一函夏之歸  
坐以須臾昕之旦康功即底墜典交修內則文物盈

廷躋聲華於治古外則謳歌載路樂庶富於多方聿  
臨載誕之辰普祝無疆之慶霈皇慈於鎬飲徹霄極  
以嵩呼北辰受衆星之環長居紫禁南極觀老人之  
見永輔丕圖妾等謬齒仙場幸逢聖旦願應鏗純之  
節掬陳蹈厲之容未敢自專伏候進止

勾雜劇

天儀有穆星弁無譁顧宜聳之云周慮歡衿之未洽  
宜薦邯鄲之笑以參平樂之嬉徐韻金絲雜劇來歟



放女弟子隊

肅肅都場九奏之仙韶終曲耽耽廣殿萬年之嘉樹  
移陰蓬島遐瑤池日晚徹繡茵而浪卷振綵袂以風  
翔再拜天階相將好去

興龍節大燕教坊致語

蘇子瞻

天所眷命生而神靈惟三代受命之符萃于茲日實  
萬世無疆之福延及我民候南極之祥輝交北鄰之  
瑞節同趨鎬燕爭頌堯封恭惟陛下稽古溫文乘乾

剛粹體生知而猶學藏妙用於何言故得六聖承休  
三靈眷祐德降星昝齊六符而泰階平河行地中錫  
九疇而彛倫正屬誕彌之令旦履長發之嘉祥夙設  
九賓於庭遍舞六成之樂日無私於臨照葵藿自傾  
天有信於發生勾萌必達臣等濫塵法部獲造丹墀  
下採民言得三萬里之謠頌登歌壽筭以八千歲為  
春秋不度蕪音敢進口號

風捲雲舒合兩班曈曈瑞日映天顏觀書已獲千秋



鏡積德長為萬歲山臘雪未消三霧起壬人不用五  
兵閒相逢父老爭相賀却笑華胥是夢間

勾合曲

笙磬同音考中聲於神瞽鳥獸率舞浹和氣於敷天  
上奉宸歡教坊合曲

勾小兒隊

衆技旅庭振歡聲於無外游童頌聖陶至化於自然  
上奉皇威教坊小兒入隊

隊名

壤歌皆白髮

象舞及青衿

問小兒隊

跳踉廣陌初疑竹馬之游合散彤墀忽變驚鴻之狀  
欲知來意宜悉敷陳

小兒致語

流虹啓聖非人力所致之符湛露均恩與天下共享  
其樂旁行海宇外薄戎夷咸欣載夙之辰共獻無疆



之祝恭惟皇帝陛下神武不殺將聖多能天生德於  
予既稟徇賢之質人樂告以善輔成經緯之文法慈  
儉於東朝紬詩書於西學載臨誕日俛答輿情非為  
靡曼之觀庶備太平之福臣等樂生齟齬學樂父師  
就列紛紜雖無殊於鳥獸赴音俛仰亦少效於涓塵  
未敢自專伏候進止

勾雜劇

樂且有儀方君臣之相悅張而不弛豈文武之常行

欲佐歡聲宜陳善謔金絲徐韻雜劇來歟

放小兒隊

末技畢陳下情無壅既成文於綴兆猶欲袂以回翔  
再拜天階相將好去

勾女童隊

飛步壽山起香塵於羅襪散花御路泛回雪於錦茵  
上奉宸顏兩軍女童入隊

隊名



生商來瑞乙

浴佛降羣龍

問女童隊

玉座天臨雖仙凡之有隔翠鬢雲合豈草木之無知  
密邇天階悉陳來意

女童致語

妾聞千里一曲變澄瀾於濁河萬歲三稱隱歡聲於  
靈岳天人並應夷夏來同雖云北里之微敢獻華封  
之祝恭惟皇帝陛下睿文冠古神智無方同堯舜之

性仁而能濟衆陋成康之刑措猶待積年共逢建丑  
之正再覩興龍之會桑田東海傾壽筭而未乾汗竹  
南山書頌聲而無極妾等幸緣賤藝獲望威顏振萬  
于庭欲赴千旄之節間歌以雅庶諧笙磬之音未敢  
自專伏候進止

勾雜劇

舞綴暫停歌鐘少闕必有應諧之妙以資載笑之歡  
上悅天顏雜劇來歟



放女童隊

振袂再成曲盡回風之妙分庭久立漸移愛日之陰  
再拜天階相將好去

望節大宴教坊致語

蘇子瞻

帝武造周已兆興王之迹日符祚漢實開受命之祥  
非天私我有邦惟聖乃作神主仰止誕彌之慶集于  
建丑之正瑞玉旅庭爰講北鄰之好虎臣在泮復通  
西域之琛式燕示慈與人均福恭惟皇帝陛下睿思

冠古濬哲自天煥乎有文日講六經之訓述而不作  
思齊累聖之仁夷夏宅心神人協德卜年七百方過  
歷以承天有臣三千咸一心而載后彤庭振萬玉座  
傳觴誦干戈再戢之詩作君臣相說之樂斯民何幸  
白首太平臣猥以微生親逢盛旦始慶猗蘭之會願  
賡擊壤之音下採民言上陳口號

凜凜重瞳日月新四方驚喜識天人共知若木初升  
旦且種蟠桃莫計春請吏黑山歸屬國給扶黃髮拜



嚴宸紫皇應在紅雲裏試問清都侍從臣

勾合曲

祝堯之壽既罄於歡謠象舞之功願觀於備樂羽旄  
在列管罄同音上奉宸嚴教坊合曲

勾小兒隊

魚龍奏技畢陳詭異之觀韶箠成童各效回旋之妙  
嘉其尚幼有此良心仰奉宸慈教坊小兒八隊

隊名

兩階陳羽籥

萬國走梯航

問小兒隊

工師在列各懷自獻之能俵子盈庭必有可觀之技  
未知來意宜悉奏陳

小兒致語

生民以來未有祖宗之仁厚上帝所眷錫以神聖之  
子孫享佑下民篤生我后瞻舜瞳之日月望堯顙之  
山河若帝之初達四聰於無外如川方至傾萬宇以



來同恭惟皇帝陛下齊聖廣淵剛健篤實識文武之  
大者體仁孝於自然歌詩思齊見文王之所以聖誦  
書無逸法中宗之不敢康誕日載臨輿情共祝神筴  
授萬年之算洛書開五福之祥臣等嬉遊天街沐浴  
皇化欲陳舞蹈之意不知手足之隨未敢自專伏取  
進止

勾雜劇

金奏鏗純既度九韶之曲霓裳合散又陳八佾之儀

舞綴暫停伶優間作再調絲竹雜劇來歟

放小兒隊

游童率舞遂物性之熙怡小技畢陳識天慈之廣大  
清歌既闕疊鼓屢催再拜天階相將好去

勾女童隊

垂鬟在列斂袂稍前豈知北里之微敢獻南山之壽  
霓旌全集金奏方諧上奉威顏兩軍女童入隊

隊名



君臣千載遇

歌舞八風同

問女童隊

摻搨屢作旌夏前臨顧遊女之何能造彤庭而獻技  
欲知來意宜悉奏陳

女童致語

妾聞瑞鳳來翔共紀生商之兆羣龍下集適同浴佛  
之辰佳氣充庭和聲載路輦出房而雷動扇交翟而  
雲開喜動人天春還草木恭惟皇帝陛下凝神昭曠

受命穆清三后在天宜興王之世有四人迪哲知享  
國之無窮乃眷良辰欲均景福庭設九賓之禮樂歌  
四牡之章妾等幸覲昌期獲瞻文陛雖之流風之妙  
願輸率舞之誠未敢自專伏侯進止

勾雜劇

清淨自化雖莫測於宸心詼笑雜陳示悅同於衆樂  
金絲再學雜劇來歟

放女童隊



分庭久立漸移愛日之陰振袂再成曲盡回風之態  
龍樓曲望鼉鼓屢催再拜天階相將好去

坤成節大宴教坊致語

蘇子瞻

視履考祥既占衷月之夢對時育物必有繼天之功  
方大火之西流屬陰靈之既望帝於是日誕降仁人  
意使斯民咸歸壽域共慶千年之遇得生二聖之朝  
式宴示慈與民同樂共惟皇帝陛下文思天縱濬哲  
生知力行禹湯之仁常恐一夫之不獲躬蹈曾閔之

孝故得萬國之歡心恭惟太皇太后陛下道契天人  
德超載籍知人則哲蓋帝堯之所難修已安民雖虞  
舜其猶病風雲從而萬物覩日月照而四時行自然  
動植之咸安莫知天地之何力三宮交慶羣后駭奔  
寶鄰通四牡之歡航海致重譯之贖洞庭九奏始識  
咸池之音靈岳三呼共獻后天之祝臣等叨居法部  
輒採民言上瀆宸聰敢陳口號

三朝遺老九門前又見承平大有年文母憂勤初化



俗曾孫仁孝已通天史書元祐三千牘樂奏坤成第  
一篇欲採蟠桃歸獻壽蓬萊清淺半桑田

勾合曲

秋風協應生殿閣之微涼廣樂具陳韻金絲而間作  
欲觀鳥獸之率舞願聞笙磬之同音上奉宸顏教坊  
合曲

勾小兒隊

朱干玉戚本以象功白叟黃童皆知頌聖盍命髧髻

之侶來陳舞勺之儀上侑皇歡教坊小兒入隊

隊名

願同千歲樂

長奏太平謠

問小兒隊

鎬京廣燕方雲集於縉紳沂水游童忽鳧趨於庭廡  
雖云小技必有可觀咫尺天顏悉言汝志

小兒致語

功存社稷慶鍾高密之門澤及本支天祚太任之聽



候西風之入律藹瑞氣之盈庭嘉與四方同稱萬壽  
恭惟皇帝陛下文思稽古濬哲在躬日奉東朝之歡  
率用家人之禮以謂慈儉之化無德而能名保祐之  
功如天之難報惟流傳於歌舞庶髣髴其儀刑臣等  
雖在弱齡久陶孝治敢率垂髫之侶共陳振萬之儀  
未敢自專伏取進止

勾雜劇

鸞旗日轉雉扇雲開暫回綴兆之文少進俳諧之技

來陳善戲以佐歡聲上樂天顏雜劇來歟

放小兒隊

青衿旅進雖未技而畢陳黃屋天臨知下情之無壅  
既成文於綴兆爰整袂以徘徊再拜天階相將好去  
勾女童隊

彤壺漏箭隨雞唱以漸移絳節綵髦聞鳳簫而自舉  
宜召散花之侶來陳回雪之姿上奉宸歡兩軍女童  
八隊



隊名

金風回翠袖

玉瑄倚清歌

問女童隊

鳳歌諧律方資燕俎之歡鷺羽分庭忽集壽山之下  
低鬟有待振袂欲前密邇天階悉陳來意

女童致語

塗山啓夏來玉帛於萬邦執仲興周昨本支於百世  
嘉辰共樂壯觀一新恭惟皇帝陛下舜孝自天堯仁

浹物膺昊穹之成命席累聖之詒謀惟地勢坤永載  
無疆之德以天下養躬持胥樂之觴六樂在庭百工  
奏技妾等親逢盛旦獲望嚴宸藝雖愧於驚鴻心已  
先於儀鳳願陳舞綴上奉天顏未敢自專伏取進止  
勾雜劇

風清羽蓋日轉槐庭欲資載笑之歡必有應諧之妙  
暫回舞綴少進詼辭上悅天顏雜劇來歟

放隊



八音成作既成皦繹之文萬舞畢陳曲盡回翔之態  
望彤闈而去立斂翠袂以言歸再拜天墀相將好去

壽寧節大燕教坊致語

楊大年

龜負檢而龍薦圖神告太平之兆雷繞樞而虹流渚  
天開上聖之祥頒歷象於四夷混車書於萬國南畝  
遂有年之望東風諧入律之占仰象魏以駿奔咸抱  
祝堯之志啓柏梁而高會式敷在鎬之恩伏以皇帝  
陛下寅奉上元恭臨下土體禹湯之勤儉躬堯舜之

聰明宵分而未輟觀書日旰而猶勤聽政文德舉素  
王之教兵機受元女之符百代之間周知其損益千  
里之外遙制於便宜羣臣莫望於清光列辟盡懷於  
慚德矧復四時大順萬物由庚蠢動翔飛俱入華胥  
之國流沙若木悉歸輿地之圖五稼咸登三邊不聳  
鮐背鶴髮但擊壤以謳歌猿飲鳥言競梯山而貢獻  
加以德音不布王澤四流化行若神民望如草露冕  
蹇幃之吏盡畏簡書耕田鑿井之人皆知帝力而猶



卑宮克已側席求賢推仁必及於豚魚擢善罔遺於  
管蒯文物聲明而大備憲章典故以交修方將勤百  
萬之兵上陰山而刻石具三千之禮登日觀以泥金  
告天地以成功播古今之能事今者就盈良月誕聖  
嘉辰玉燭再調珠躔式序五方異俗悉奔走以來王  
三事大夫共觀呼而上壽初日沉露盤之色微風飄  
天籟之音人神克諧朝野相慶咸祝南山之算同瞻  
北極之尊臣等幸列朝庭親逢廣晏叨居樂部已慙

師邑之賤工俯繼頌聲終愧巴人之濫唱豈敢形容  
於盛德庶期導達於下情不揆非才輒獻口號

曉開閭闔宴公卿瑞氣氤氳覆紫庭貝闕乍疑塵外  
見鈞天猶似夢中聽雲間高捧三危露階畔全開七  
葉棠萬國衣冠祝堯壽煌煌南極老人星

教坊合曲

金奏初陳衢樽乍汎愛景上延於黃道祥雲下覆於  
紫庭物色澄鮮天心悦豫幸當宴錫同祝堯年上悅



龍顏教坊合曲

勾舞僮

嘉宴方酣清商正闋忽翠旌而前引儼蜺帔以成行  
無非綽約之仙姿欲獻婆娑之妙舞仰資睿算用慶  
佳辰再韻宮商教坊小兒八隊

隊名

千秋逢令節

三殿宴羣臣

問舞僮

新衣楚楚有雲羅霧縠之奇長袖翩翩盡回雪流風  
之妙旣呈絕技合祝皇明主首一人分明敷奏

舞僮白語

三靈睠命方開上聖之祥萬寓歡心適被至仁之化  
爰屬猗蘭之慶載敷湛露之恩伏以皇帝陛下執左  
契以臨人用大鈞而播物縣憲章於象魏宣教化於  
辟雍霜露所均盡為內地舟車不及咸作外臣四方  
無金革之憂萬井有絃歌之樂而又勤勞庶政憂恤



烝民廟堂皆邠魏之賢方面盡韓彭之將百官承式  
六府孔修藏珠玉於山川式表還淳之理銷劍戟為  
耒耜克彰務本之仁義隆磐石之基俯會流虹之節  
魚龍百戲競傳西域之風鴛鴦千官共祝南山之壽  
臣等俱慙幼穉幸偶昇平輒陳下俚之音仰祝後天  
之算伏取進止未敢自專

勾雜劇

清歌激越方遏於行雲妙舞婆娑乍迴於飛雪祝聖

心之既切觀盛之事難忘上悅天顏雜劇來耶

放舞僮隊

冥開百殿飛三竿以方深樂閱奠階滴銅壺而漸久  
共祝後天之算同頌向日之誠再拜瑤階相將好去

集英殿皇子降生大燕教坊致語 王岐公

伏以魯觀占雲適紀新陽之應震宮主鬯早開皇序  
之祥况寶歷之逢熙復宸居之乘豫特頒廣燕用飾  
多驩恭惟皇帝德邁往初仁漸動植虎旗犀甲韜兵



於武庫之中桂海冰天獻盡於彤墀之下休祥兆於  
君德寒律變為春和浹嘉氣於神都列芳筵於祕殿  
下珍羣之鷓鴣發和奏之笙鏞於時日上扶桑風生  
廣莫度芝蓋於丹城降金輿於紫闈百獸感和率舞  
帝虞之樂羣生遂性如登老氏之臺固已追平樂之  
勝遊掩柏梁之高會臣謬參法部獲望清光靡揆才  
蕪敢進口號

忽覺祥煙繞禁門寶慈宮裏見皇孫便令三洞張鈞  
樂直許千官醉御樽未曉清風生殿閣經旬赤氣射  
乾坤須知此會非常有遙看天顏一倍溫

勾合曲

霞泛帝觴凝三微之協氣星聯朝弁燦初日之祥暉  
方魚藻以均歡宜簫韶之合奏宸遊正洽樂節徐行  
上奉天顏教坊合曲

勾小兒隊

燕觴飛羽方歌湛露之詩廣樂擬金已極鈞天之奏



宜命遊童之侶來陳舞佾之容上奉皇慈教坊小兒  
八隊

隊名

遊童春自舞

儀鳳曉先鳴

問小兒隊

宸庭廣御仰侔太極之躔鈞樂更和曲盡咸英之奏  
何處采髦之侶輒趨文陛之前必有所陳雍容敷奏

小兒致語

臣聞舜帝仁深衆極慕羶之樂周家德盛時歌在藻  
之娛屬紹美於皇圖早發祥於甲觀宜錫需雲之宴  
用均浹宇之歡恭惟皇帝躬上主之資撫中天之運  
禮樂兼三王之備文章邁兩漢之隆矧乃武庫韜戈戎  
亭徹候百蠻奔走南踰銅鼓之鄉萬里謳歌西出玉  
關之路今則陽生寶燭陰謝窮郊麗日重輪已應千  
齡之瑞條風八律更萌萬物之華方玉笋之交飛復  
朱絃之遞奏羣情大洽勝會難儔臣等雖在童髦嘗



習舞干之妙輒趨君陛願隨樂節之行未敢自專伏  
候進止

勾雜劇

華旌低影觀童舞之成文畫鼓收聲識鈞音之終曲  
助以優場之伎浹于燕席之歡上懌宸顏雜劇來歟

放小兒隊

銅壺遞箭屢移宮幄之陰鷺羽充庭久曳童髦之采  
既闋韶音之奏難停舞綴之容再拜天階相將好去

勾女弟子隊

華簪昭席再嚴百辟之趨寶幄更衣復覩中天之坐  
宜度仙韶之曲更呈舞袖之妍上奉皇慈兩軍女弟  
子入隊

隊名

玉調歌管脆

雪入舞腰輕

問女弟子隊

金徒緩箭延麗日於壺中翠羽飛觴醉流霞於天上



何仙姿之綽約叩丹陛以踟躕須有剖陳近前敷奏  
女弟子致語

伏以位符蒼震屬元子之膺祥歌起盛周見羣臣之  
合好矧萬幾之多豫誠千載之一時共樂熙辰用恢  
勝矩恭惟皇帝嚮明紫極儲思巖廊邁三皇五帝之  
風繼一祖四宗之烈候亭相屬不齎萬里之糧年廩  
屢登又美曾孫之稼時及新陽之復早逢重日之暉  
廣慈惠於前王慶休華於茲旦玉觴盈醴均流湛露

之恩翠虞鳴鍾合奏洞庭之曲帝所之歡未極壺中  
之景初長妾等幸邁盛期獲塵法部側聽鈞音之節  
來參妙舞之容未敢自尊伏候進止

勾雜劇

鸞拂宮茵極七盤之妙舞鳳儀仙曲終九奏之和聲  
方鎬飲之窮歡宜秦優之進伎宸顏是奉雜劇來歎  
放女弟子隊

宮花剪綵恍疑天上之春海日銜規忽覺人間之暮



宜整羽衣之綴却還蓬島之遊再拜彤庭相將好去

聖宋名賢五百家播芳大全文粹卷百二十八終



